L'IDEE PARFAICTE

PHILOSOPHIE

011

L'Abbrege de la Theor & Practique de 1 Pierre des Phiwis , losophes,



31384

A PARIS;

M. DC. XXX.

Τ΄ η η πιθου τον έω αυθης πολλάκιε έρχόμε νον ύετον, και πίκθεσα βοταίνην ευθετον εκείνοις δι θε το γεωρΓείται, μεταλαμβάνει ευλογίας ἀπό το Θεό. εκφέρεσα δε απόνθας τον τεβάλες, αδύκιμος και ποιπόρας έγθος, ης πο πίλος είς πάθουν.



MONSEIGNEVR;

MONSEIGNEVR

FILS DE FRANCE Frere Vnique du Ray, Ducd'Orleans, de De lois , de Chartres Comte de Blois.



ONSEIGNEVE

Il n'y a rien qui conuienne dauantage aux Princes que l'e-

stude de la Philosophie Herme-

tique, car comme ils surpassenta cause de leur naissance le reste des hommes en grandeur & puissance, ils doiuent s'efforcer à ce qu'ils les surmontent en la science de Dieu & de la Nature, ce quine se peut obtenir facilement que par la susdicte Philosophie. Les anciens Roys d'Ægypte, & d'Arabie, entre lesquels ceste vraye Philosophie a principalement re-gné, sçachants combien il leur importoit pour leur conseruation d'estre versés aux sacrés Mysteres de la pure Philosophie, instruifoient Cabalistiquement leurs En-fants en iceux, asin que par la communication qu'ils leurs en faisoient ils eusent toutes sortes d'aduantages sur leurs subjects.

L'Vtilité & le contentement que vous receurés Monser Gneve, de l'aggreable diuertissement de ceste estude de Sagesse, vous conuient à l'embrasser auecassection: car pour ce qui est du premier, quiail plus necessaire & proffitable que de pouuoir conuertir en Argent & en Or les Metaux imparfaicts, par la seulle proiection qu'on fait de la Poudre diuine, que les vrays & fidelles Enfants d'Hermes composent suiuant l'admirable artifice qu'ils ont appris deleur Pere & Maistre en sa Table d'Esmeraude? & pour ce qui regarde le second, quel contentement y a il pareil à celuy de la santé, & de la prolongation de la vie? sans aucun ressentiment de maladies & infirmités, ce qui arriue par l'vsage de la susdicte Poudre, à cause qu'en icelle sont concentrées & fixées toutes les vertus, influences, & puissances du Ciel par le moyen de l'Ame Vniuerselle du Monde dedans le corps le plus parfaict qui soit en la Nature, sçauoir en l'Or Vulgaire incorruptible.

Iene fais aucun doubte, Mon-SEIGNEVR, que vous ne soyés estonné de ce que ie vous offre en Abbregétoute la Theorie & Practique du diuin Magistere Philosophique, attendu que par vne iu-ste permission & punitió de Dieu, ou la Pierre des Philosophes, qu'il enseigne, est estimée de la plus part des hommes impossible, ou bien si elle est creuë faisable, tout le monde pense qu'on n'en peut arriuerà la composition & perfection pour les grandes difficultés qui se rencontrent tant a recognoistre les Matieres conuenables & necessaires, qu'a descouurir le procedé qu'il faut tenir & obseruer aux Operations & en la Practique d'icelle.

EPISTRE

Mais i'espere, Monse I-G N E V R,que ie vous releueray de ce doubte, si ie vous dis que chaque chose a receu au commencement du monde la benediction de Dieu pour se multiplier, engendrer son semblable, & ainsi conseruer son espece: & que par Experience i'ay rendu l'Or Vulgaire Anime & Vegetable, de mort qu'il semble estre aux yeux des ignorants incredules, & ce sans additió d'aucune matiere quelle quelle soit, ne m'estant seruy que de la seulle Nature, laquelle faict en se singularisant & determinant d'indifferente, commune & vniuerselle qu'elle estoit auparauar, dedans les semences particulieres des Animaux, Vegetaux, Mineraux & Metaux, qu'vn chacun d'iceux peut par generation parfaicte vniuocque, naturelle & ordinaire se perpetuer & produire son semblable; & que de plus ie n'ay rien mis en auant ence petit. Traicté Cabalistique, dequoy ie ne puisse vous satisfaire & contenter amplement tant par Experiences, que par bonnes raisons naturelles & irrefragables, qui la suiuent & qui y sont son dess.

Or Monseigneve, i'ay esté principalement incité a vous consacrer cét Abbregé de la plus secrette Philosophie, tantà cause de vostre non pareil & transcendent Esprit, qui n'est en rien in-ferieur à vostre naissance, & lequel est naturellement porté à la recherche des choses haultes, excellentes & releuées, & a aymerles sçauants & curieux qui auec cognoissance s'y occupent & addonnent; que pour la bonne voloté & grande affection que vous EPISTRE.

auez tesmoignée & continués de monstrer à ceux de la Ville de Saint Dizier, ma chere Patrie, aux Prieres continuelles desquels i'adiousteray tousiours les miennes pour la prosperité & conseruation de V. Altesse, faisant de mon costé à Dieu des vœux particuliers, à ce qu'il me face la grace de vous faire voir vn iour par effect la verité de la science réelle dont ie traicte & de ne viure que pour estre & mourir,

Monseigneve,

Vostre tres humble, tres-obeissan & tres-fidelle seruiteur.

LEAN COLLESSON de S. Dizier.

SONNET.

Au Fidelle Enfant de Doctrine!

PRens l'Eau que tu ne voids qui natu-

Est iointie a un Feu doux dans la mesme Miniere:

L'Or s'y deuestira de sa Robe premiere, Pour l'Oeuvre commencer d'Hermes heureusement.

Et conseruant ton Roy dans son bain

chaudement,
Afin qu'ayde de l'Art plus de force il acquiere.

Attendras tant qu'il soit tout reduit en

pousiere,

Et quel Ame se ioigne à son Corps fixemêt, En la conionction de la Terre & del Eau, Tu verras propremêt la Teste du Corbeau. De Satarne Iupin sortira venerable, Qui a Latone ioinst d'une estroitte union, En elle engendrerà Diane & Apollon, Apollon des mortels sur les Dieux adorable.

I. C. D. S. D.

L'IDEE PARFAICTE

DE LA

PHILOSOPHIE

HERMETIQUE,

Ou

L'Abbrege de la Theorie & Practique de la Pierre des Philosophes.

1

A Pierre des Philosophes introduict naturellement dedans les Metaux imparfaits la forme d'Or Vulgaire auec toutes ses qualités, accidents, signatures & proprietes: Et par consequent la Pierre des Philosophes

doibt auoir en soy la forme d'Or b ij L'Idee Parfaicte de la

Vulgaire, carautrement si elle ne l'auoit, elle ne pourroit actuelle,

ment l'introduire.

II Maintenat de toutes les substances qui sont determinées dedans quelqu'vne des trois Familles de Nature, sçauoir des Vegetaux, Animaux & Mineraux, il n'y a que le seul Or Vulgaire qui ayten soy actuellement la forme & les qualités, accidents, fignatures & proprietés de l'Or Vulgaire : Et par consequent le seul Or Vulgaire sera le seul & vnique Subject, duquel il faut auoir la forme d'Or, pour la composition de la Pierre des Philosophes. Or que le seul Or Vulgaire ayt la forme d'Or Vulgaire il se prouue aisément de ce que chaque Composé Naturel est distinct de touts les autres Composés Naturels, à cause qu'il a sa forme particuliere,

Philosophie Hermetique 13, qui est réellement & actuellement distincte de toutes les autres formes des diuers Composés Naturels: Partant si l'Or Vulgaire est distinct de tous les autres Composés Naturels, ce sera à cause qu'il a luy seul la forme d'Or Vulgaire & que les autres Com-

poses Naturels ne l'ont pas.

III L'Or Vulgaire n'est que simplement parfaict par Nature, c'est à dire, n'a qu'autant de perfection, qu'il luy en faut pour estre parfaict, sans qu'il en puisse faire part aux Metaux imparfaicts: Et partant sion veut quel'Or Vulgaire introduise la forme d'Or Vulgai. re dedans les Metaux imparfaicts pour les parfaire, il est necessaire que l'Or Vulgaire soit rendu plus que parfaict : car tandis qu'il n'aura que la simple perfection naturelle, il ne pourra iamais parfaire

o iii

14. L'Idée Parfaicte de la

les Metaux imparfaicts, ny leur communicquer la forme d'Or.

IV Maintenat l'Or Vulgaire ne peut estre rendu plus que parfaict, sice n'est auec chose qui soit plus parfaicte, ie veux dire plus subrile, plus actiue & plus spirituelle que l'Or Vulgaire, & qui de plus soit ou puisse estre renduë homogene à l'Or, c'està dire, ait la forme d'Or eminemment ou puisse la receuoir par deter minaison en se particularisant dedans. l'Or Vulgaire, de la mesme façon que nous voyons que la pluye qui est indeterminée à produire plutost vne Rose qu'ne Tulippe, dautant qu'en soy considerée elle ne contient qu'eminemment, vniuersellement & indeterminemét les semences & formes de la Rose & Tulippe, à raison de l'Esprit Vniuersel du Monde vraye semence

Philosophie Hermetique. 15 commune & forme generale de toutes choses, duquel la pluye est, empreincte & engrossie, sans neantmoins auoir aucune homogeneité actuelle, particuliere & prochaine auecles semences & formes de la Rose & Tulippe, que lors que l'Esprit du Monde qui est indeterminé de dans la pluye a deuenir Rose ou Tulippe, estant attiré par les Esprits particuliers de la Rose & Tulippe (qui sontderiués de l'Esprit General du Monde, & qui n'ont esté determinés dedans la Rose & la Tulippe, pour en estre leurs formes & semences, que par la parole de Dieu en l'origine des choses) deuient & se faict Rose en la Rose, & Tulippe en la Tulippe; & ainsi en se particularifant actuellement deuient prochainement & immediatement homogeneàla Rose & à la Tulip-

L'Idee Parfaicte de la pe (& autant en fault il dire quad il est determiné & attiré par les autres Esprits particuliers des Vegetaux, Animaux, Mineraux & Metaux) combien qu'auant ceste specification & determination dedans la Rose ou Tulippe, la pluye n'eust à raison de l'Esprit General du Monde qu'eminemment, vniuersellement, mediatement & indeterminement les semences & les formes de la Rose & de la Tulippe, auquel estat veritablement toute l'homogeneïté, qu'il a aux semences & formes de la Rose & Tulippe, n'est qu'efloignée, mediate & vniuerfelle, laquelle deuient prochaine, immediate & particuliere en se specifiant & determinant actuellement dedans la Rose & Tulippe. Où en passant il fault remarquer que l'Esprit Vniuersel du Monde

insepa-

Philosophie Hermetique. inseparablement reuestu d'vne substance humide sans mouiller les mains , tres-subtile , grandement rarefiée, du tout celefte & quintessencifiée est l'Ame Vniver-Selle du Monde, & la Premiere Matiere Active des Philosophes Hermitiques, d'où la Rose, la Tulippe, l'Or Vulgaire & toutes les autres natu res particulieres ont eu originairement leurs semences & auec icelles leurs formes plus ou moins actives & parfaictes à nosfre regard, selon que Dieu voulut faire paroistre plus ou moins en diuerses Especes & Genres sur le Theatre du Monde, les effectsadmirables de sa diuine Majesté & puissance infinie.

Or que la chose, qui dosbt rendre l'Or Vulgaire plus que parsait doiue estre plus parsaicte, plus subtile, plus spirituelle, & plus actiue que l'Or Vulgaire, & pour le dire librement & franchement en vn mot, qu'elle doine eftre la Premiere Matiere de l'Or & de toutes choses, qui sont distinctes réellement de l'Or Vulgaire, auec laquelle & de laquelle l'Or Vulgaire doibt estre nourry, par l'Artifice Hermetique, à ce qu'il deuienne plus que parfaict pour par. faire les Metaux imparfaicts, il se prouue de ce qu'elle doibt dissoudre l'Or naturellement, l'animer & viuisier sur-abondamment & n'estre à iamais qu'vne mesme fubstance auec luy; & de ce que fi on mesle auec l'Or quelque matiere groffiere, corporelle, heterogene, imparfaicte, ou simple-ment parfaicte, l'Or pour cela n'en sera rendu plus parfaict, plus actif & plus propre à la generation, ains telles matieres groffie-

19

res, corporelles, heterogenes & imparfaictes ne le dissoudront, & par leur meslange luy feront perdre sa simple perfection naturelle qu'il auoit auant le message, dautant qu'elles sont heterogenes à l'Or Vulgaire, auec les principes duquel partant elles n'auront iamais aucune commixtion naturelle, radicalle & comme on dict per minima, à raison de leurs impurerés heterogenes à l'Or: & les matieres parfaictes simplement (qui ne peuuent estre que d'autre Or) le laisseront, apres la mixtion qu'o en fera, en la simple perfection naturelle, qu'il auoit auant la mixtio, sans que l'Or Vulgaire en reçoiue aucune perfection plus grande en qualité, sans qu'il en deuiene plus spirituel, plus animé, plus actif, plus intrant & plus propre pour parfaire les Metaux imparfaicts.

c ij

L'Idée Parfaicte de la

Et de plus que la chose qui doibé rendre l'Or Vulgaire plusque parfaict doine estre homogene à l'Or en acte ou en puissance, immedia. tement ou mediarement, il se mostre de ce qu'elle doibt se mesler naturellement & radicalement a. uec les principes de l'Or, & penetrer l'Or en toutes ses plus petites parties, sans qu'aucune separatio s'en puisse faire apres le message, ce qui ne se fera iamais, si ceste chosen'est homogeneà l'Or Vulgaire en acte ou en puissance, immediatement ou mediatement. & de telle nature qu'elle puisse s'vnir inseparablemetauecl'Or Vulgaire, par la nouvelle determinaifon & specification, qui s'en fera au moven du subtil Artifice de l'industrieux Philosophe Hermetique: car autrement l'Or n'en des piendroit iamais plus parfaich: Et

Philosophie Hermetique.

partant tout ce qui est grossier, corporel , imparfaict & heterogeneà l'Or, ou qui n'est que simplement parfaict, bref qui n'est la Premiere Matiere de toutes choses 🔗 l' Ame Vniuerselle du Monde, ne peut donner à l'Or Vulgaire aucune exuberance de perfectio, veu qu'icelle feulle peut dilater & multiplier les semences de toutes les natures singulieres par sa seulle & nouvelle corporification & determinaison qui s'en faict tousiours, & qu'elle seulle peut nourrir l'Or Vulgaire, le faire vegeter, germer, & l'animer surabondammét, pour le rendre plus que parfait, & propre à la generation.

V llest vray que toutes les substances Vegetables, que toutes les Animales, que toutes les Minerales & que toutes les Metalliques (qui ne sont actuellement

22 L'Idee Parfaitte de la

Or Vulgaire) font Heterogenes à l'Or Vulgaire, dautant qu'elles ne different de l'Or Vulgaire, qu'a cause qu'elles n'ont la Nature, & la forme de l'Or Vulgaire : Et partant toutes ces substances n'au. ront iamais, quelque Artifice & subtilité qu'on y apporte, aucune commixtion radicalle, naturelle & homogene auec les Principes de l'Or Vulgaire, d'où iamais elles ne s'vniront inseparablement auecl'Or Vulgaire: Et par consequent, en estant tousiours separables, elles ne rendront iamais l'Or Vulgaire plus que parfaich, Et de plus toutes ces matieres & substances ne sont si parfaictes que l'Or Vulgaire : car l'experience fait voir, que le seu & les Agents communs Naturels les peuuent corrompre & destruire , lesquels soutesfois n'ont aucun pouuoit

Philosophie Hermetique.

fur l'Or Vulgaire. C'est pour quoy toutes les substances Vegetables, toutes les Animales, toutes les Minerales & toutes les Metalliques, ne pourront par aucun artifice, inuention, depuration, preparation & subtilité qu'on y apporte rendre l'Or Vulgaire plus

que parfaict.

VI Pour rendre doncques l'Or Vulgaire plus que parfaict, à ce qu'il rende les Metaux imparfaicts parfaicts, de necessire absoluë il faut auoir recours à la Matiere Premiere & Vniuerfelle de toutes chofes, que le Pere des vrays Philo-Sophes Hermes nomme Lune, & ses Disciples & Enfans Bainde Diane, Eau Hyleale, Eau Azothique & Eau Primordiale : & à la Forme Premiere & Vniuer selle de toutes choses, que le mesme Hermes appelle Soleil, & ses Disciples & Enfans Diane, Nature, Soulphre Incombustis

ble & l'Esprit General du Monde, qui selon l'Historiographe sacré Moyse au Premier de la Genese, en l'origine des choses estoit por té sur les Eaux de l'Abysme.

VII La Matiere Premiere & Vniuerselle, & la Forme Premiere & Vniuerselle, & la Forme Premiere & Vniuerselle de toutes choses sont réellement vne mesme substance, & ne se peuvent separeractuellement l'vne de l'autre: c'est pourquoy les Philosophes Hermetiques rejettent & ne tiennent copte de la Matiere Premiere des Peripateticiens, qui selon leur Autheur, au moins à ce qu'ils disent, est inuisible, sans forme, & presque rien.

VIII Combien que la Matiere Premiere & Vniuerfelle, & la Forme Premiere & Vniuerfelle detoutes chosesne soient réelle-

Philosophie Hermetique. ment qu'vne mesme chose & substance en vn seul & mesme subject scauoir en l'Eau Hyleale & Azothique, si est-ce qu'on peut par raison les separer, & ainsi on peut admettre entre ces deux vne distinction formelle ou de raison donnant à l'Esprit inuisible, qui est l'Interne de l'Eau Hyleale & Azothique, le nom de Forme & d'Agent, & le nom de Matiere & de Patient à l'Externe de la melme Eau Hyleale & Azothique, scauoirà la substance humide Etherée & Quintessencifiée, laquelle par fois & en certains temps le faict voir aux seuls vrays Enfants d'Hermes tantost en Vapeur & tantost en Eau. Et de faict, peut estre que l'onne s'elloignera pas de la verité & doctrine des ancies Philosophes & des Cabalistes, si

on dict que l'Interne de l'Eau Hyles.

d

26 L'Idee Parfaitte de la le & Azothique consideré à part fans l'Externe eft l'Efprit General du Monde, co la Forme Premiere con Vniverselle de toutes choses; & que l'Externe de la mesme EauHyleale Con Azothique considere à part sans l'Interne est la Matiere Premiere & Vniuerselle de toutes choses : & que lors qu'on conçoit l'Interne & l'Externe ensemble, scauoir l'Es. prit reuestu de la pure substance humide Etheree & Quinteffencifiee, les deux ainsi ensemble sont & font l'Ame Casholique ou Vniverfelle du Monde, qui est toute Forme & toute Matiere consideré e interieurement ou exterieurement, & laquelle partant nourrit toutes choses, en suitte dequoy elle caufe toutes les generations, transplantations & multiplications de tous les individus des diuerses Especes & Genres

qui sontaux trois Familles de Na

Philosophie Hermetique. 27 sure, par la determination, specification, & corporification qui se faict d'icelle Ame Generale du Mode de dedans les semences des differents individus desdictes trois Familles, vn chacun d'iceux attirant à soy perpetuellement & corporifiant en soy spirituellement la suscite Ame Generale du Monde, pour l'extension & multiplication de sa semence.

IX L'ame du Monde est entous les individus des diverses Familles de Nature, puis que toutes les Formes diverses & materielles desdits differents individus sont derivées originairement de l'Ame Vniverselle du Monde, & à laquelle partant elles demeurerontreünies après la destruction & constagration du Monde. Toutes fois on ne peut separer par aucun artistice de la Chymie com-

d ij

28 L'Idee Parfaitte de la

mune l'Ame du Mode d'aucun subiect determiné, visible & particulier quel qu'il soit, pour la plus grande perfection de l'Or Vulgaire: ains ce qu'on en extraira leratousiours particularisé retenat la Nature, accidents, conditions & proprietés du composé Naturel particulier, duquel il a esté extraict: Et partant tout ce qu'on en separera sera tousiouts Heterogene à l'Or Vulgaire, & trop, impur & imparfaict pour la Matiere de la Pierre des Philosophes, X L' Ame du Monde en sa Genera-

lite & Vniuersalité , n'ayant iamais encores esté specifiée & determinée en aucu subject particulier & vifible, est la Matiere de la Pierre des Philosophes, comme l'Or Vulgaire qui la determine & specifie par sa vertu aymatine & sympathique en est la Forme. L'Ame au Monde est le

Philosophie Hermetique. Mercure & le dissoluant des Philosophes, auec lequel 1'Or Vulgaire doibt estre naturellement & sans violence dissoult. Et de la conionction fixe de ces deux resulte &. n'aist la vraye Salamandre Philosophique, & le cher Enfant du Soleil, lequel estant tout feu consomme en vn instant toutes les impuretez des Metaux imparfaicts sur lesquels il est proietté, decuisant au mesme temps la substance Mercurielle qui est dedans lesdicts Metaux imparfaicts en Argent ou en Or, selon le degré de perfection, auquel la Diuine Pierre des Philosophes a esté menée pour l'vn ou pour l'autre effect.

XI La Practique de l'Ocuure Hermetique confiste en deux Operations, apres qu'on a depuré aux preparations l'Or Vulgaire de toutes matieres heterogenes

d iij

30 L'Idée Parfaitte de la & qu'on l'arendu subtil & attenué pour estre plus susceptible de l'Espirit vinissque de l'Ame Catholique du Monde.

XII Frere Basile Valentin Religieux de l'Ordre de sainct Benoistenseigne que pour les Preparations qu'il faut apporter à l'Or auant que commencer l'Oeuure Philosophique, il faut le passer trois fois par l'Antimoine, apres que les affineurs l'ont depuré autant qu'ils ont peu par la Coupelle & l'inquart.

Que la Couronne du Roy, dit ce grand Philosophe, soit d'Or trespur, es que l'on luy ioigne sa chaste Espouse. Si doncques tu veux operer en mos matieres, Prens un Loup affamé en nauissant, sabiett, à cause de l'etimologie de sonnom, au guerrier Mars, mais de race tenant de Saturne comme estant son fils. L'on le trouve dans les vallées on montagnes tousiours mourant de faim. Lette luy le corps du Roy, afin qu'il s'en soulle ; apres qu'il l'aura mangé iette le dedans un grand feu pour y estre du tout consomme, & le Roy sera deliure. Apres que tu auras faict cela trois fois, le Lyon aura du tout surmonté le Loup, & le Loup ne pourra plus rien consommer du Roy, onostre Matiere ferapreparée & preste a commencer l'Oeuure. Et apprends que ce n'est que par ce chemin là que l'on peut operer nos Matieres pures , cat l'onlane & purge le Lyon du sang du Loup, & la Nature du Lyonse delecte merueilleusement en la teincture du Loup, pour ce qu'il y a une grande affinite & comme parentage entre le sang de l'on & de l'autre. Quand doncques le Lyonse sera soullé. Son Esprut foreifie, ses yeux reluiront & esclaireront come le Soleil, & sera sa force interieure bie grade, & de grad prosit Grutilité à tout ce que tu wondras.

XIII En la Premiere Operation de la Pierre des Philosophes on ne tend qu'a nourrir & a animer l'Or Vulgaire de l'Ame Vnimer selle du monde, à ce qu'il deuienne plus que parfaict, pour oster la lepre des Metaux imparfaicts, pour entretenir l'homme en santé & luy prolonger ses iours au delà du terme ordinaire de la vie commune & le guerir indisferemment de toutes les maladies, aufquelles il peut tomber.

Or iamais l'Or Vulgaire n'est nourry empreinct, animé & viuifié de l'Ame Generale du Monde, qu'il ne soit rendu de mort vif, qu'il ne vegete visiblement, que la queuë de Paon ne parroisse, non pasen la Matiere, mais au tour du vaisseau, representant toutes les Couleurs qu'on sçauroit s'imaginer, entre lesquelles la verte pre-

Philosophie Hermetique. domine aux autres, & apres icelle vne rouge & pourprée. Et ceste premiere Operatió s'acheue apres l'animation, calcination & dissolution de l'Or Vulgaire dedans l'Eau Philosophique, qui n'est autre chose que l'Ame Generale du Monde par la separation des Elements; scauoir du feu de la terre, du subtil de l'espois, du volatil de son fixe & de l'Ame pure & blanche de son corps impur & noir, qui demeure tout discontinue en poudre tres fixe sans pouvoit aucune ment se fondre.

Frere Basile Valentin parle en ceste sorte de la Premiere Operatio de l'Oeuure Hermetique au Premier linre de ses douze Cless de Philosophie. Prens, dictil, de bon Or, mets le enpieces, en le dissoult somme enseigne la Nature aux Amateurs de science, en le réduités en ses

premiers principes, comme le Medecim a de coustume de faire dissection d'un corps humain pour cognoistre ses parties interieures, & tu trouueras une semence qui est le commencement, le milieu, & la fin de l'Oeuure, de laquelle nostre Or & sa femme sont produicts, sçauoir est un subtil & penetrant Esprit, une Ame delicate, nette & pure, un sel & bausme des Astres, lesquels estans unis ne sont qu'une liqueur & Eauè Mercurielle.

Et plus bas le mesme Philosophe traicte de reches de la Premiere Operation Philosophique en ces termes, par lesquels il donne asses de lumiere au moins clair-voyant pour se conduire en ceste Premiere Operation. Esuelle toy, dictil, Peuple Mortel, co regarde la lumiere, de peur que les tenebres con obscurités ne te trompent. Les Dieux du bon heur, co les grands Dieux montre-

Philosophie Hermetique. 35 uele cecy en un profond sommeil. O qu'heureux est celuy qui cognoist les Dieux, coles merueilles qu'ils operent, oqui a les yeux esclairez pour voir la lumiere qui luy estoit cachèe auparauat. Ils'est leue par la bont é des Dieux deux Estoilles aux hommes, pour chercher la vraye oprofonde Sagesse: regarde les, ô Mortel, & marche à leur clarté, pour ce que l'on y trouve la Sagesse. Le Phænix Oyseau Meridional viste on leger arrache le cœur du corps d'on grand Animal d'Orient : baille des aisles a l'Anima d'Orient, afin qu'ils soient semblables, car il fault que l'on ofte à la Beste Orientale sa peau de Lyon, & que derechef ses aisles disparoissent & qu'il entre ensemble dans la grande Mer salce Oceane, o qu'il en sorte derechef auec beaute; alors iette tes Esprits remuans dans one profonde fontaine, où l' Eau ne tarisse iamais, afin qu'ils soient rendus semblables a leur Mere qui y est cachée, 36 L'Idee Parfaicte de la Colaquelle a pris sanaissance de trois.

XIV En la Seconde Operation du Magistere Hermetique, par laquelleil semble selo la plus part des Autheurs que l'Oeuure des Philosophes commence (car ils ne parlent que fort peu, & encores tres-obscurement de la Premiere, sans laquelle toutesfois on ne peut rien faire en ceste science Transmutatoire) le Sage & indu-Strieux Philosophe fixe l'Ame Generale du Monde dedans l'Or Vulgaire, convertit le feu en terre, le subtil'en espois, le volatil en fixe, & rend l'Ame pure & blanche à fon corps immobile, groffier & terrestre. Et si l'Artiste a eu befoing de patience au Premier la. beur, il ne fault pas que la mesme luy manque en ce Second, car la Purrefaction; qu'ils nomment Tefte de Corbeas, luy durera fept, Philosophie Hermetique. 37 neuf ou dix mois, apres lesquels il ioüyra premierement des faueurs de la Reyne blanche, & en suitte de celles de son Roy vermeil & sanguin, pourueu qu'il scache la iuste administration du seu.

Frere Basile Valentin monstre au premierliure de sesdouze Cless de Philosophie, ce que le Philosophe doit faire en ceste Se conde Operation, quandil dit, Qu'il faut sellement rectifier le Mercure, le Sous phrecole Sel Philosophiques, quel' Amo L'Esprit en le Corps soient si bien ani, qu'ils ne se puissent iamais quitter , qu'alors fera faiet le vray lien d' Amour, con que la maison de gloire & d'honneur serabastie, on que cecy n'est rien autre chose que l'Eau seiche consointte à vne Substance terrestre, qu'il faut faire (sçauoir en la Première Operatio) à la terre de grandes aifles & la rencogner o presser tellement qu'elle monte

en hault & vole par dessus toutes les Montagnes, iusques au Firmament, en qu'alors (pour la Secode Operatio) il fault coupper à la terre les aisses à force de feu, assin qu'elle tombe dans la mer rouge, en s'ynoye, puis qu'il fault faire calmer la mer, en dessether ses eauës par feu en par air assin que la terre renaisse,

XV Or sans recommencer de nouueau vn ouurage si ennuyeux, le Philosophe multipliera so Oeuure, quandil est paruenu à la blancheur ou rougeur, tant en quantité qu'en qualité iusques à l'infiny, s'il le dissout & fixe auec nouvelle Eau Philosophique, gardant le melme procedé qu'il a tenu auparauant. Où il remarquera qu'a chaque Multiplication la diuine Pierre Blanche ou Rouge acquerra dix fois autant de vertu qu'elle auoit auant qu'elle fust multipliée : de maniere que si à la premiere fois

Philosophie Hermetique. vn poids d'icelle en conuertissoit cent de Metal imparfaict en Argent ou en Or, la seconde fois il en conuertira mil, la troissesme dix mil la quatriesme cent mil . & ainfial'infiny, d'autant qu'a chaque Multiplication il y a eu addition d'autant de nouvelle Matiere Philosophique, scauoir de l'Ame Generale du Monde, qu'il en a fallu pour augmenter la Poudre en vertu de dix fois autant qu'elle pounoit auant la multiplication.

XVI Pour la perfection & accomplissement du grand Oeuure des Philosophes apres les Multiplications, il ne faut obmetre la Fermentation, qu'on nomme ordinairement l'Oeuure de trois sours à celle fin que la Diuine Pierre ayt plus facilement ingrés dedans les Metaux imparfaicts: car autrement à cause de sa grande spiritua-

lite & subtilité elle surnageroit tousiours le Metal imparfaict sur lequel on la proietteroit. C'est pourquoy on fermente l'Oeuure au Blancauec l'Argent Vulgaire, & l'Oeuure au Rouge auec l'Or Vulgaire: le Blancen deux iours, & le Rouge en trois; au premier desquels les matieres sont noires, au second blanches, ou les Esprits auec grand bruict s'vnissent fixement aux Corps : & au troisielme elles deuiennent Rouges & Sanguines; apres quoy il ne reste plus que de faire proiection de la Diuine Pierre des Philosophes sur les Metaux imparfaicts pour les conuertir en Argent ou en Or, selon la Teincture de la Medecine.

XVII Ilappert de ce que dessus que la Pierre des Philosophes se copose de deux substances & parties, l'yne desquelles est materielle & determi-

Philosophie Hermetique. determinable, sçauoir l'Ame Gemerale du Monde : & l'autre est formelle & determinante, scauoir l'Or Vulgaire. D'où on cognoist que ceux qui ont deffiny la Pierre, parl'Esprit Vniuersel du Monde. qui par l'entremise du Ciel a esté corporifié au ventre pur & virginal de la Terre Adamique, ont eu esgardà la Matiere de la Pierre, attendu que par l'Esprit ils ont entendu l'Interne de l'Ame Generale du Monde; & par le Ciel l'Externe de la mesme Ame du monde & la pure Substance Etherée & Acrienne: & que ceux qui l'ont deffinie par l'Or exalté à vn supreme degré de perfection, par digestions Philosophiques, ont voulu la declarer par sa forme, voulans que l'exuberance de perfection, qui arriue à l'Or Vulgaire, vienne de la corporification, determinaj-

t

son & particularisation de l'Ame Generale du Monde dedans l'Or Vulgaire preparé & attenué, comme de la Matiere Premiere & Vniuerselle dedans le subiect particulier & formel, qui doit communiquer sa forme, par l'extension & multiplication, qui arriue de sa semence, par la nouvelle corporisication, qui s'y faict de l'Ame Generale du Monde.

XVIII De ce petit Abbregé Cabaliftique, il est aisé d'entédre, que la Philosophie Hermetique n'est autre chose, que la Cognoissance de l'Ame Generale du Monde determinable en sa Generalité & Vniuersalité dedás l'Or Vulgaire, pour en composer vne Medecine Vniuerselle & Panacée, qu'on nomme Vulgairement Pierre Philosophale. Ie dis dedans l'Or Vulgaire, dautant que d'iceluy seul,

Philosophie Hermetique. 43 & de l'Ame Generale du Monde, on en compose les deux Pierres des Philosophes, sçauoir la Blanche & la Rouge, combien que ie ne nye pas, que de l'Argent Vulgaire & de la mesme Ame Generale du Monde, on n'en puisse faire vne Pierre Blanche, pour conuertir en Argét les inferieurs Metaux imparfaichs.

XIX Pour Recapitulation de toute la Theorie & Practique de la Pierre precieuse des anciens Philosophes, ie dis que toute la Sapience Hermetique ne gist qu'à Dissoudre & à Congeler: & que l'Argent Vulgaire & l'Or Vulgaire purifiés & attenués, font les Corps qu'il faut dissoudre, sçauoir l'Argent pour l'Oeuure au Blanc, & l'Or pour l'Oeuure au Rouge (si quand on trauaille sur l'Or, on ne se contente de l'Operation, quand les Matieres sont Bla-

ches, sans se soucier de les faire rougir; auquel cas il faudroit multiplier & fermenter lesdictes Matieres Blanches auec l'Ame Generale du Monde & l'Argent Vulgaire: Et que pour ce qui est de la Substance, qui dissout naturelle. ment & Philosophiquement l'Argent & l'Or Vulgaires, il ne faut s'imaginer qu'il y en ayt d'autre, que l'Ame Generale du Monde, qui par les Aymants & moyens Philosophiques, se tire & attire des Corps Superieurs & principalement des Rayons du Soleil & de la Lune.

D'où on cognoist que ceux là n'ont la cognoissance du Mercure ou Menstruë des Philosophes, qui pensent dissoudre naturellement & Philosophiquement les Metaux parfaicts auec des dissoluents particuliers tirés de l'Anti-

Philosophie Hermetique.

moine, du Saturne, Vitriol, Salpetre, du Sang humain, de l'Esprit de Vin, du Miel, ou du Vinaigre, ou dequelque autre matiere quel; le qu'elle soit, Animale, Vegetable, Minerale, ou Metallique, commeainsi soit que toutes ces matieres là & toutes les Substances, qu'on en pourra iamais preparer & extraire, n'auront aucune Homogeneité & Conformité de Nature auec les Corps parfaicts Metalliques, d'où elles ne pourront s'vnir inseparablement auec iceux, & d'où en suitte elles ne leur donneront iamais aucune exuberance de perfection: ce qui est neantmoins absoluëment necessaire, à celle fin qu'ils soient & deuiennent la Pierre des Philosophes.

Or comme au comencemet de l'Oeuure Philosophique, pour la

Premiere Operation, on n'a prin. cipalement qu'a Dissoudre, c'està dire, qu'à spiritualiser & volatiliser l'Or & l'Argent Vulgaires par l'Ame Generale du Monde, qui en difcontinuant toutes leurs plus petites parties, s'vnità icelles auec Homogeneïté & inseparablement, à cause que leur semence en est vénuë; de la mesme façon que l'Eau chaude agissant sur la glace, la réd Eau & s'vnit inseparablement à icelle auecHomogeneïté, dautant que la glace a eu so Estre de l'Eau; auffi pour la Seconde Operation de la susdicte Pierre des Philosophes, tout le but des Sages n'est quede Coaguler & Congelerl'Or & l'Argent Vulgaires ainsi dissoults: ou pour mieux dire, leur intention ne tend qu'à coaguler & congeler fixement l'Ame Generale du monde dedans l'Or ou l'Argent,

Philosophie Hermetique. 47 puis que d'ailleurs ces Corps parfaicts Metalliques sont asses coagulés & congelés de leur Nature ; & que comme la Dissolution n'est qu'à raison des Corps, la Congelatio austi n'est & ne peut estre qu'à l'esgard des Esprits, & Substances spirituelles, telle qu'est la susdicte Ame Generale du Monde: apres laquelle Congelation, il n'est necesfaire, pour la perfection de la diuine Pierre des Philosophes, que de multiplier & fermenter l'Oeuure au Blanc auec l'Ame Generale du Monde, & l'Argent Vulgaire;

XX La Nature & l'ordre que Dieu a estably au Monde, l'Experience, la Raison & les Liures des Philosophes Hermetiques bien& sainement entendus, ne veullent

comme l'Oeuure au Rouge auec la mesme Ame Generale du Monde

&l'Or Vulgaire.

& ne peuuent permettre qu'on parle autrement de la Theorie & Practique de la Pierre des Philosophes. Et partant il faut tenir pour peu sçauants en la Nature. & encores moins versés en la PhilosophieHermetique,ceux qui en traichent autremet, qui prennent d'autres Matieres, qui suiuent d'autres procedés, & qui pensent que par autre Chemin, que celuy que l'ay enseigné en cet Abbrege Cabalistique, on puisse paruenir à la fin de ceste tant noble Science, & à la composition de la tres-precieuse Pierre des Philosophes. Toutesfois il ne faut tenir les anciens Philosophes ignorats, qui en ont escrit autrement, ie veux dire obscurement, soubs parabolles & enigmes; ny meschants de ce qu'ils ont enseigné quantité de Matieres & d'Operations faus-

ses

Philosophie Hermetique. ses inutilles & impertinentes, veu qu'ils n'ont fait cela, que pour empefchet que les Meschans & indignes n'en arrivassent à la cognoislance, scachants fort bien que co ste science estant apres celle de Dieu, la Premiere de toutes les autres, & le plus grand bien que la Divine Bonté ayt communicqué aux hommes, les gents de bien qui la rechercheroientauec bonne intention, par la grace de Dieu. ne la conceuroient que trop en leurs Escrits; sur tout fien suivant leurs conseils, ils iettoient toufiours les yeux fur la Nature, pour recognoistre comment elle se gouverne en ses Generations, de quelle matierre elle se sert, quel ordre & quel procedé elle y ob-ferue perperuellement de la melme façon.

Au reste tout ce que i ay declare

cy dessus, appartiét au Grand Oeuure des Philosophes, auquel fort peu paruiénent, à faute de spiéce& de la patiéce, qui est requise pour en attendre la fin, comme ainsi soit qu'il ne se puisse faire qu'en

fortlong temps.

Maisil y a des Oeuures réels Particuliers & de tres-grand proffict en la science Transmutatoire, qui sont comme des branches & dependances du Grand Oeuure Philosophique, pour la composition desquels, il ne faut tant de temps, qu'il est requis, pour acheuer le Magistere Hermetique; combien qu'ils ne se puissent accomplir sas la cognoissance de l'Artifice, auec lequel il faut attirer & determiner l'Ame Generale du Monde dedans l'Argent & l'Or Vulgaires, & du moyen de depurer par & auec la mesme Ame Generale du Monde l'hu;

Philosophie Hermetique. mide radicale des Metaux, ie veux dire le Mercure Vulgaire, de sa double lepre qu'il a contracté aux Minieres des Matrices Aqueuse & Terrestre. Et à celle fin que ceux qui iusques icy ont peu aduancé en ceste estude de Philosophie, comécassent à en receuoir quelques commodités, pour les encourager dauantage à aspirer à la Practique de la diuine Pierre, i'ay pris resolution d'enseigner briefuemet deux Secrets Particuliers tres veritables & de peu de frais, & de grad proffict, à la faueur desquels ils pourront ioyeusement & auec patience, attendre le temps du long &

des Philosophes.

Le Premier Secret se faict & copose d'une partie d'Or Vulgaire
Vif c'est à dire, qui n'a encores esté fondu, ou qui est empreince

ennuyeux trauail du grad Oeuure

de l' Ame Generale du Monde, & de dix parties de Mercure Vulgaire engrossi de l'Ame Vniverselle du Mode, auec laquelle, & par laquelle il aesté deliure d'vn phlegme heterogene à sa nature, qui le rendoit hydropique, & d'yne terre noire excrementeule qui n'estoit de sa composition naturelle, & qui empeschoit qu'il ne se mellast inseparablement auec l'Or. Ces Matieres estat ainsi preparées, il fautles amalgamer ensemble, selon l'Art, les sigiller Hermetiquement dans vn vaisseau de verre, & leur doner trois mois entiers vn feu de Putre. faction, apres lesquels on les entretiendra six autres mois au melme degré de feu au commencement, l'augmentant apres par degrez felon l'Art, a celle fin que par frequentes & reiterées sublimations & descensions, les Matieres

Philosophie Hermetique. se purifient, blanchissent & rougiffent, pour auoir le Souphre requis à cest Oeuure. Lors il faudra prendre vne partie de ce Souphre, deux parties d'Or Vif, & quatre parties de Mercuré preparé & animé comme dict est, & donner le feu par degrez trois autres mois, pour acheuer l'Operation, & auoir la Medecine parfaicte. Laquelle on multiplieraà l'infiny, en prenant & decuifant vne partie d'icelle Medecine, auec deux parties d'Or Vif, & quatre parties de Mercure preparé & animé comme ditest. Quoy faict il ne restera plus que de faire proiection de ceste excellente Medecine sur le Mercure Vulgaire on fur quelque Meral imparfaict pour le conuertir en Or. Que si on vouloit

auoir vne Medecine, qui conuertist en Argentles Metaux impar-

faicts, il faudroit au lieu d'Or Vif prendre de l'Argent Vif & garder les mesmes poids & procedé que dessus.

Le Second Secret , est pour monstrer l'affinité qu'il y a du Mercure preparé & animé comme dict est. auecl'Or Vifoul'Argent Vif: car si on prend vn gros de ce Mercure preparé & animé, & fiapres on le melle auec vn autre gros d'Or Vifou d'Arget Vif, il ne faut faire autre chose que les decuire Philosophiquemét,&r'adiousterà neuf diuerses fois neuf autres gros de Mercure preparé & animé, comme dict est, decuisant les Matieres à chaque fois, tant qu'elles soient fixes, & ainfi on verra qu'vne partie d'Or Vif aura conuerty en Or dix parties de Mercure preparé & animé, & qu'autant en aura faict vne partie d'Arget Vif sur dix parPhilosophie Hermetique. 55 ties de Mercure preparé & animé comme dessus de l'Ame Generale du Monde.

Το γνωσον τὰ θεῦ φανερόν ἐστν ἐν ἀντοῖς :

τὰ ২৯ ἀδεμτα ἀυτίς ἀπο κίδισεως κόσμες τοῖς
ποιόμμασι νούμενα προφάλαι, ὅττε ἀίδιος ἀυθθ
Δίναμις και θειότης.

Проз Риманя. a.

SONNET.

Du Mercure des Philosophes.

Rivetoumes Enfant Celle qui m'est Vnique
I'Engrosse bien qu' Estret d'un Celeste Sanfor i
Elle Chaste qui weult se Amourappasser,
Par mes Embassemen deutent Mere Pudique.

Mere, Enfant, Sexental de Nature Angelique, Effort & Corps ensemble, Esfort prompt à voler, Et Corps grane qui tend à toussons deualler: Deux Contraves en Vn, Guerriers, Pacissiques.

Ayant doncques senty le Miel, qui de mon Sein, Decoulle dedans Elle: Elle n'a plus dessein Pour son contentement d'autres Metz, d'autre Chouse,

Pour ser que de s'eschausser par Art legerement; Pour se vendre plus prempte à cest Embrassement; Qui la faist Corps, Espris, Mere, Enfant, Fille, Espouse, P. P. P. P.

SONNET.

Du Sel des Philosophes.

Ens sich Humide Fen d'Androg me Nature,
Pur Effrit er vors Cops, Amphibe parfaitt;
Cher Enfant de men Pete il est par moy deffaitt;
Et moy du mien ie suis la plus chere Passure.

Que dif ie Pere, Enfant à d'aucune Creature le ne fuis ny l'Enfant, ny le Pere de failt : Bien d'Vn Pere & d'Vn Eils proceday-ie en effett à Dualifte failt Vn, Geniteur, Geniure.

La Nature sans Art ne me peut conceuoir : Dy Luj sans Elle aussy ne me scauroit anoir . De ces Deux assemblez, mon Estre se l'assemble .

Puissant Hermaphrodite auss de vray is suis, Tout Sexe & Sexe Nul: Car dire ieme puis, Tont Fen, toute Eau, tout Air & toute Terre enseble.

P. P. P.